



SLUŽBA ZA REVIZIJU FINANSIRANJA POLITIČKIH STRANAKA

Na osnovu člana 10. stav (1) Zakona o finansiranju političkih stranaka («Službeni glasnik BiH» broj 95/12 i 41/16), člana 25. Pravilnika o godišnjim finansijskim izvještajima političkih stranaka («Službeni glasnik BiH» broj 96/13, 89/16, 5/22 i 31/24) i člana 12. Pravilnika o administrativnim procedurama pregleda, kontrole i revizije finansijskih izvještaja političkih stranaka («Službeni glasnik BiH» broj 103/08 i 5/22), izdajem

IZVJEŠTAJ O PREGLEDU GODIŠNJEG FINANSIJSKOG IZVJEŠTAJA ZA 2022. GODINU UNIJE SOCIJALDEMOKRATA BH

Broj: 03-07-6-436/23
Sarajevo, 17.02.2025. godine

S A D R Ź A J

MIŠLJENJE REVIZORA.....	3
1. UVOD.....	4
2. PREDSTAVLJANJE POLITIČKE STRANKE.....	4
3. OPIS PREGLEDA I KONTROLE FINANSIJSKOG IZVJEŠTAJA	4
Predmet pregleda i kontrole.....	4
Cilj pregleda i kontrole.....	4
Obim pregleda i kontrole.....	5
4. PRETHODNE KONTROLE I REVIZIJE.....	5
5. NALAZI I PREPORUKE.....	5
5.1 NALAZI.....	5
5.2 PREPORUKE	7

MIŠLJENJE REVIZORA

Služba za reviziju finansiranja političkih stranaka izvršila je pregled godišnjeg finansijskog izvještaja Unije socijaldemokrata BH za 2022. godinu.

Rukovodstvo političke stranke je odgovorno za finansijske izvještaje, postupanje stranke u skladu sa odredbama Zakona o finansiranju političkih stranaka, te uspostavljanje efikasnog sistema internih kontrola.

Pregled smo obavili u skladu sa revizijskim standardima primjenjivim na angažmanu u pregledu. Ovi standardi zahtijevaju da planiramo i izvršimo pregled da bi dobili umjerenu pouzdanost da stranka nije značajno kršila odredbe Zakona o finansiranju političkih stranaka.

Pregled je ograničen na kontrolu godišnjeg finansijskog izvještaja političke stranke i primjenu analitičkih procedura na podacima iz finansijskih izvještaja, pa prema tome ne obezbjeđuju pouzdanost koja bi se dobila izvršenom revizijom u prostorijama stranke.

Pregledom godišnjeg finansijskog izvještaja za 2022. godinu, utvrđeno je da je Unija socijaldemokrata BH prekršila odredbe člana 4. stav (1), člana 11. stav (1) i člana 12. stav (1), stav (4) i stav (5) Zakona o finansiranju političkih stranaka.

Na osnovu našeg pregleda, odnosno kontrole finansijskog izvještaja, osim gornje napomene, nismo zapazili ništa značajno što bi ukazalo na nedostatke u finansijskom izvještaju ili na finansiranje ove političke stranke suprotno odredbama Zakona o finansiranju političkih stranaka.

1. UVOD

Služba za reviziju finansiranja političkih stranaka (u daljem tekstu: Služba za reviziju) izvršila je pregled godišnjeg finansijskog izvještaja Unije socijaldemokrata BH za 2022. godinu

Pregled i kontrola finansijskog izvještaja su provedeni u skladu sa članom 25. Pravilnika o godišnjim finansijskim izvještajima političkih stranaka i članom 2. Pravilnika o administrativnim procedurama pregleda, kontrole i revizije finansijskih izvještaja političkih stranaka.

Zbog činjenice da nije obavljena revizija u prostorijama političke stranke, postoji mogućnost da pojedine materijalno značajne greške ne budu otkrivene.

Prema podacima iz godišnjeg finansijskog izvještaja za 2022. godinu, Unije socijaldemokrata BH se finansirala iz sljedećih izvora:

R/B	Izvori finansiranja	Iznos (KM)	Struktura (%)
1.	Članarina	0,00	0,00
2.	Prilozi fizičkih lica (3-a)	0,00	0,00
3.	Prilozi pravnih lica (3-b)	0,00	0,00
4.	Prihodi od imovine (3-c)	0,00	0,00
5.	Prihodi od dobiti preduzeća u vlasništvu političke stranke (3-d)	0,00	0,00
6.	Prihodi od poklona (3-e)	0,00	0,00
7.	Prihodi iz budžeta (3-f)	28.099,30	100,00
8.	Prihodi od propagande (3-g)	0,00	0,00
I	Ukupni prihodi (1-8)	28.099,30	100,00
II	Ostali prihodi i drugo	0,00	0,00
	Izvori finansiranja (I+II)	28.099,30	100,00

U godišnjem finansijskom izvještaju za 2022. godinu Unija socijaldemokrata BH je iskazala rashode u ukupnom iznosu od 29.964,74 KM.

2. PREDSTAVLJANJE POLITIČKE STRANKE

Naziv političke stranke je Unija socijaldemokrata BH. Skraćeni naziv stranke je USD BH.

Unija socijaldemokrata BH je registrovana kod Općinskog suda u Sarajevu, Rješenjem broj: 065-0-F1-15-000007 od 23.02.2015. godine. Rješenjem broj: 065-0-F1-19-000007 od 10.12.2019. godine u registru suda upisana je promjena lica ovlaštenog za zastupanje političke stranke.

Sjedište stranke je u Sarajevu, Bajrama Zenunija 5.

Ovlašteno lice za zastupanje stranke je Renato Adrović, VD predsjednika.

Lice ovlašteno za podnošenje finansijskog izvještaja za 2022. godinu je Maja Burlović.

Prema podacima iz godišnjeg finansijskog izvještaja za 2022. godinu, Unija socijaldemokrata BH nema niže niove organizovanja.

3. OPIS PREGLEDA I KONTROLE FINANSIJSKOG IZVJEŠTAJA

Predmet pregleda i kontrole je godišnji finansijski izvještaj Unije socijaldemokrata BH za 2022. godinu.

Cilj pregleda i kontrole je da revizor na bazi finansijskog izvještaja pokuša da ustanovi da li je politička stranka u izvještajnom periodu postupala u skladu sa odredbama Zakona o finansiranju političkih stranaka. Ukoliko revizor na bazi kontrole finansijskog izvještaja utvrdi određena kršenja

navedenog zakona, ocjenjuje da li je potrebno izvršiti reviziju u prostorijama stranke da bi mogao izraziti mišljenje o tome da li se stranka finansirala u skladu sa Zakonom o finansiranju političkih stranaka.

Obim pregleda i kontrole finansijskog izvještaja Unije socijaldemokrata BH obuhvata kontrolu i provođenje analitičkih procedura radi utvrđivanja usklađenosti podataka koje je stranka iskazala u finansijskom izvještaju sa odredbama Zakona o finansiranju političkih stranaka, odnosno usklađenosti izvora finansiranja i načina trošenja sredstava.

4. PRETHODNE KONTROLE I REVIZIJE

Služba za reviziju je izvršila pregled finansijskih izvještaja Unije socijaldemokrata BH u periodu od 2015. do 2021. godine, nakon kojih su izdati izvještaji o pregledu sa mišljenjem revizora, nalazima i preporukama revizije.

Nakon izvršenog pregleda godišnjeg finansijskog izvještaja Unije socijaldemokrata BH za 2021. godinu, izdat je izvještaj o pregledu sa mišljenjem revizora, nalazima i preporukama stranci: da finansijska sredstva obezbijeđena za finansiranje stranke koristi u skladu sa utvrđenim programom utroška sredstava, da se ne finansira iz zabranjenih izvora, da vodi pravilne, pravovremene i potpune evidencije o prihodima i rashodima, odnosno da vodi poslovne knjige u skladu sa računovodstvenim propisima, da finansijske izvještaje koje podnosi Centralnoj izbornoj komisiji Bosne i Hercegovine popunjava u skladu sa Pravilnikom o godišnjim finansijskim izvještajima političkih stranaka i da dostavlja dodatnu dokumentaciju.

Nerealizovane preporuke:

Na osnovu uočenih nedostataka u godišnjem finansijskom izvještaju za 2022. godinu, utvrđeno je da Unija socijaldemokrata BH nije ispoštovala sve preporuke.

5. NALAZI I PREPORUKE

5.1 NALAZI

a) Unija socijaldemokrata BH nije postupila u skladu sa odredbama člana 4. stav (1) Zakona o finansiranju političkih stranaka¹.

Stranka je u godišnjem finansijskom izvještaju iskazala ukupne troškove u iznosu od 29.964,74 KM koji uključuju trošak amortizacije u iznosu od 117,00 KM. U svom Programu utroška sredstava za 2022. godinu, stranka je planirala ukupne troškove u iznosu od 47.930,00 KM.

Analizom Programa utroška sredstava za 2022. godinu i podataka iz godišnjeg finansijskog izvještaja za 2022. godinu, utvrđeno je da je stranka rashode ostvarila u većem iznosu u odnosu na planirane, kako slijedi:

- Stranka je prekoračila planirane troškove platnog prometa u iznosu od 673,70 KM. Troškove platnog prometa stranka je planirala u iznosu od 120,00 KM, dok je iste ostvarila u iznosu od 793,70 KM.
- U programu utroška sredstava stranka nije predvidjela troškove ugovora o djelu i troškove takse, novčanih kazni i sl.

Stranka je u 2022. godini navedene troškove ostvarila u ukupnom iznosu od 5.727,00 KM, i to: troškove ugovora o djelu u iznosu od 1.727,00 KM i troškove takse, novčanih kazni i sl. u iznosu od 4.000,00 KM.

¹ Finansijska sredstva iz člana 3. stav (1) Zakona o finansiranju političkih stranaka, politička stranka može koristiti isključivo za ostvarivanje ciljeva utvrđenim svojim programom i statutom.

S obzirom da je Unija socijaldemokrata BH finansijska sredstva stranke u iznosu od 6.400,70 KM utrošila mimo Programa utroška sredstava za 2022. godinu, prekršene su odredbe člana 4. stav (1) Zakona o finansiranju političkih stranaka.

b) Unija socijaldemokrata BH prekršila je odredbe člana 11. stav (1) i člana 12. stav (1), stav (4) i stav (5) Zakona o finansiranju političkih stranaka.

Na osnovu obavljenog pregleda godišnjeg finansijskog izvještaja, utvrđeno je da Unija socijaldemokrata BH nije uspostavila potpune i tačne evidencije o prihodima, rashodima, novčanim tokovima i obavezama, te godišnji finansijski izvještaj nije popunila u skladu sa odredbama Pravilnika o godišnjim finansijskim izvještajima političkih stranaka (u daljem tekstu: Pravilnik) i nije dostavila svu dodatnu dokumentaciju, čime je prekršila odredbe člana 11. stav (1) i člana 12. stav (1), stav (4) i stav (5) Zakona o finansiranju političkih stranaka.

- (1) Stranka nije dostavila Centralnoj izbornoj komisiji BiH odštampan obrazac 1.1 godišnjeg finansijskog izvještaja (teritorijalna organizacija) ovjeren potpisom ovlaštenog lica i pečatom političke stranke, što je suprotno odredbama člana 3. stav (1) Pravilnika.
- (2) Stranka u poslovnim knjigama i obrascu 2 (pregled prometa svih transakcijskih računa političke stranke) godišnjeg finansijskog izvještaja nije iskazala promet putem transakcijskog računa broj: 1994990049622112 kod Sparkasse banke d.d. BiH, čime je prekršila odredbe člana 11. Pravilnika.

Politička stranka je u finansijskom izvještaju prijavila početno stanje u iznosu od 69,67 KM i stanje na dan 31.12.2022. godine u istom iznosu od 69,67 KM. Uvidom u izvode sa ovog transakcijskog računa, utvrđeno je da je početno stanje na dan 01.01.2022. godine iznosilo 69,67 KM, ukupan promet ulaza 13.100,00 KM, ukupan promet izlaza 13.152,00 KM, te stanje na dan 31.12.2022. godine u iznosu od 17,67 KM.

- (3) U obrascu 3-e (nenovčane donacije i računi koje politička stranka nije imala obavezu da plati) godišnjeg finansijskog izvještaja stranka je iskazala nenovčanu donaciju po osnovu besplatnog korištenja poslovnog prostora u vlasništvu Općine Novi Grad Sarajevo, ali je umjesto vrijednosti donacije navela iznos 0,00 KM, te je iskazala datum primljenog poklona 01.01.2019. godine.

Stranka je imala obavezu da procijeni vrijednost nenovčane donacije, te da istu evidentira u poslovnim knjigama i iskaže u godišnjem finansijskom izvještaju za 2022. godinu.

S obzirom da nije iskazala vrijednost nenovčane donacije, stranka je i ukupne prihode iskazala u manjem iznosu u odnosu na ostvarene, čime je prekršila odredbe člana 13. i 18. Pravilnika.

Unija socijaldemokrata BH u godišnjem finansijskom izvještaju nije iskazala ni troškove zakupnine poslovnog prostora, čime je prekršila odredbe člana 21. i 22. Pravilnika.

- (4) Unija socijaldemokrata BH nije pravilno popunila obrazac 5 (obaveze političke stranke) godišnjeg finansijskog izvještaja, čime je prekršila odredbe člana 24. Pravilnika.

Podaci o obavezama prema pravnom licu „Telemach d.o.o.“ koje je stranka iskazala u obrascu 5 godišnjeg finansijskog izvještaja ne odgovaraju podacima iz poslovnih knjiga. Naime, stranka je u obrascu 5 iskazala obaveze prema pravnom licu „Telemach d.o.o.“ u iznosu od 98,96 KM, dok je u poslovnim knjigama obaveza prema ovom pravnom licu evidentirana u iznosu od 56,90 KM.

Takođe, stranka je u dijelu obrasca 5 u koji se upisuju podaci o datumu obaveze, obaveze koje je trebala iskazati prema ovom dobavljaču na dan 31.12.2022. godine, navela datum 31.01.2023. godine.

- (5) Unija socijaldemokrata BH nije dostavila dio tražene dodatne dokumentacije, čime je prekršila odredbe člana 12. stav (5) Zakona o finansiranju političkih stranaka.

Dana 06.12.2023. godine, Centralna izborna komisija BiH je stranci uputila Zahtjev za dostavljanje dodatne dokumentacije za 2022. godinu, broj: 03-07-6-436-2/22, kojim je od stranke zatraženo da dostavi: dokumentaciju o korištenju poslovnih prostora (dokaz o vlasništvu nad

prostorima, kopiju ugovora o zakupu, odluke ili izjave ukoliko su prostori korišteni bez naknade), sa pregledom dokumentacije, bruto bilans političke stranke na dan 31.12.2022. godine, glavnu knjigu političke stranke, sa analitičkim evidencijama u periodu od 01.01.2022. do 31.12. 2022. godine, završni račun za 2022. godinu (bilans stanja i bilans uspjeha), kopiju izvoda sa transakcijskog računa stranke za period 01.01.-31.12.2022. godine, broj: 1994990049622112 kod Sparkasse banke d.d. BiH, kopiju računa ili druge dokumentacije na osnovu koje su finansijskom izvještaju evidentirani troškovi knjigovodstvenih usluga i ostali rashodi i kopiju ugovora o djelu iskazanom na obrascu 4.1 godišnjeg finansijskog izvještaja.

Unija socijaldemokrata BH nije postupila u skladu sa zahtjevom Centralne izborne komisije BiH, odnosno nije dostavila završni račun za 2022. godinu (bilans stanja i bilans uspjeha) i dokumentaciju o troškovima koje je politička stranka u obrascu 4.1 iskazala kao troškove ugovora o djelu.

Napominjemo, politička stranka je, u skladu sa odredbom iz člana 4. stav (2) Pravilnika imala obavezu da zajedno sa finansijskim izvještajem do 31.03.2023. godine dostavi i godišnji obračun ovjeren od nadležne institucije u BiH, odnosno završni račun ovjeren od strane Finansijsko informatičke agencije-FIA.

5.2 PREPORUKE

Preporučuje se političkoj stranci Unija socijaldemokrata BH da se pridržava odredaba Zakona o finansiranju političkih stranaka, a posebno na osnovu uočenih nedostataka se preporučuje:

- ***da finansijska sredstva obezbijedena za finansiranje stranke koristi u skladu sa utvrđenim programom utroška sredstava,***
- ***da vodi pravilne, pravovremene i potpune evidencije o prihodima i rashodima, odnosno da vodi poslovne knjige u skladu sa računovodstvenim propisima,***
- ***da finansijske izvještaje koje podnosi Centralnoj izbornoj komisiji Bosne i Hercegovine popunjava u skladu sa Pravilnikom o godišnjim finansijskim izvještajima političkih stranaka i***
- ***da dostavlja dodatnu dokumentaciju.***

KOMENTAR:

Politička stranka se nije očitovala na nalaze revizije navedene u Preliminarnom izvještaju o pregledu godišnjeg finansijskog izvještaja za 2022. godinu.

Šef Odsjeka za predrevizijske i administrativne poslove

Šef Službe za reviziju

Rijad Selmanović

Mr.sc Hasida Gušić

Pomoćnik revizora

Dragomir Elez